

Ահա անցնում են Սպանդարյան ռալոնի աշխատավորները: Տոնականորեն զարդարված ափսոսմեքենայի վրա դրված են լենինի

և Ստալինի քանդակները: Արևի տակ փայլում է իր արտադրանքի տասնյակ տեսակները ցուցադրող «Արարատ» գործարանի ցուցափեշվը: Անցնում են արվեստի աշխատողները:

Սկսվում է Մոլոտովյան ռայոնի աշխատավորների շարասյան երթը: Շարասյան առջև երևում է մի նավ, որի տախտակամածի վրա 16 միութենական ռեսպուբլիկաների գերբերի տակ կանգնած են ազգային տարազներ հագած պատանիներ ու աղջիկներ: Երգով ու պարով են անցնում Մոլոտովյան ռայոնի ձեռնարկովյունների ու հիմնարկովյունների կոլեկտիվները: Երևանի կոնսերվագործները ցուցադրում են իրենց պեսպես արտադրանքները: Շարասյան երթը եզրափակում են Սունդուկյանի անվան Հայկական Պետական թատրոնի բեմի վարպետները և գրողները:

Լենինի և Ստալինի հոյակապ քանդակները, գրքերի վիթխարի մակետները, բազմաթիվ գրողները, նկարները, լուգունները զարդարում են Կիրովյան ռայոնի աշխատավորների առջևի շարասյունը: Անցնում է Հայկական ՍՍՌ Գիտությունների Ակա-

դեմիայի կոլեկտիվը: Կուռ շարքերով է շարժվում ուսանող երիտասարդությունը: Ուրախ անցնում են պիոներներն ու դպրոցականները: Պիոներների Երևանի պալատի բազմաթիվ խմբակների մասնակիցները տանում են իրենց պատրաստած նկարները, քանդակները, մակետները:

Կեցցածների, ուռուների որոտից թնդում է հրապարակը:

Բոլոր շարասյուններում էլ կան արտասահմանից հայրենիք վերադարձած շատ հայեր: Նրանցից շատերն առաջին անգամն են ժողովրդական ցույցին մասնակցում: Հայրենի հողի վրա: Սովետական Հայաստանի բոլոր աշխատավորների հետ միասին նրանք մեծ խանդավառությամբ լծվել են հայրենիքի վիթխարի շինարարությանը:

Հրապարակ են մտնում ֆիզկուլտուրնիկների շարասյունները: Նրանք անցնում են սեղմ, կուռ շարքերով: Նրանց գլխավերև փողփողում են սպորտային ընկերությունների բազմաթիվ ու բազմաբանգ գրողները:

Ցույցն ավարտված է: Նրան մասնակցեցին Հայաստանի մայրաքաղաքի մոտ 150 հազար աշխատավորներ:



Երեկոյան Լենինի անվան հրապարակում և այլ հրապարակներում տեղի ունեցան ինքնագործ խմբավորների տոնական ելույթներ:

Երևանցիները մեծ ցնծությամբ դիտեցին տոնական սալյուտը:

Մինչև ուշ գիշեր քաղաքում շարունակվում էր համաժողովրդական ցնծությունը:

ԼԵՆԻՆԱԿԱՆՈՒՄ

Լենինականի տոնական օրերն զարդարված հրապարակներում, փողոցներում և բանվորական ավաններում վաղ առավոտից սկսվեց համաժողովրդական ցնծությունը:

Ժամը 11-ին սկսվում է Մեծ Հոկտեմբերի 30-ամյակին նվիրված աշխատավորության շքերթը: Փողային նվագախմբի հաղթական հնչյունների տակ առաջինը Ստալինի անվան հրապարակն են մտնում պիոներ-դպրոցականների գեղեցիկ ու աշխույժ խմբերը:

Նրանք շարքի առջևից տանում են սովետական պետության կազմակերպիչներ՝ Լենինի ու Ստալինի և նրանց մերձավոր զինակիցների նկարները, բազմաթիվ լուգուններ, պրակատներ, գրողականներ:

Այնուհետև հրապարակ են մտնում Վ. Մ. Մոլոտովի անվան մանվածքային գործարանի բանվորները: Ապա անցնում են Կոշիկի, Մեխանիկական գործարանների և մեքենատրակտորային արհեստանոցի կոլեկտիվները: Այնուհետև անցնում են Տեքստիլ և

Մսի կոմբինատների, Փայտամշակման, Կաթի և մյուս գործարանների բանվորների շարասյունները:

Հանկարծ լսվում է շոգեքարշի սուլուցը և հրապարակ է մտնում երկաթուղային հանգույցի բանվորների շարասյունը: Նրանք որպես նվեր մեծ տոնին, նորոգումից բաց էին թողել մեկ շոգեքարշ:

Ապա գալիս են ինտելիգենցիայի և ուսանողության շարասյունները, ինչպես նաև արտասահմանից հայրենիք վերադարձած հայ աշխատավորության շարքերը:

Լենինականի աշխատավորության շքերթը, որին մասնակցում էին ավելի քան հրեհոռն հազար մարդ, վերածվեց հայրենասիրական ջերմ ցույցի ի պատիվ սովետական հայրենիքի, Սովետական Միության հաղթանակների ոգեշնչող և կազմակերպիչ մեծ Ստալինի:

ԱԼԱՎԵՐԴՈՒՄ

Նոյեմբերի 7-ին Ալավերդի քաղաքը տունական տեսք էր ընդունել: Հրապարակը, փողոցներն ու գործարանները զարդարված էին բազմաթիվ լողունդներով, պլակատներով, դրոշակներով, Վ. Ի. Լենինի, Ի. Վ. Ստալինի, պարտիայի ու կառավարության ղեկավարների նկարներով:

Մեծ տոներն նվիրված խանդավառ ցույցն

սկսվեց առավոտյան ժամը 10-ին: Աշխատավորների շարասյան առջևից գնում էին Պլենաժուկական գործարանի բանվորներն ու ինժեներա-տեխնիկական աշխատողները: Ապա հրապարակով անցնում են Քիմիական գործարանի բանվորները, երկաթուղայինները, ինտելիգենցիան, Սանահին գյուղի կոլխոզնիկները, դպրոցականները:

ԿԻՐՈՎԱԿԱՆՈՒՄ

Դեռ մի քանի օր առաջ Կիրովական քաղաքն ընդունել էր տոնական տեսք: Շենքերը զարդարված էին Հոկտեմբերյան Սոցիալիստական Մեծ Ռևոլյուցիայի ղեկավարների Լենինի և Ստալինի նկարներով, դրոշներով, պլակատներով և լողունդներով:

Նոյեմբերի 7-ին, առավոտյան, կազմակերպվեց աշխատավորության հանդիսավոր երթը:

Հրապարակ են մտնում դպրոցականները: Նրանցից հետո անցնում են քաղաքի արտադրական ձեռնարկությունների կոլեկտիվները: Առաջինն անցնում է Մյասնիկյանի անվան գործարանի կոլեկտիվը, ապա անցնում են ~~Արգաշի~~ գործարանի կառուցողները: Ցույցին մասնակցում են նաև քաղաքամերձ կոլխոզների կոլխոզնիկները:

ՂԱՓԱՆՈՒՄ

Հոկտեմբերյան Սոցիալիստական Մեծ Ռևոլյուցիայի երեսնամյակը Ղափան քաղաքի աշխատավորները նշեցին մեծ ցույցով, որին մասնակցում էին ավելի քան չորս հազար մարդ:

Այդ օրը քաղաքի հրապարակներից մե-

կում հանդիսավորությամբ բացվեց սովետական ժողովրդի հանճարեղ առաջնորդ մեծ Ստալինի արձանը, իսկ քաղաքային պարկում՝ ընկեր Ստալինի մեքեավոր զինակից, հայ ժողովրդի արժանավոր զավակ Ա. Ի. Միկոյանի արձանը:

Հոկտեմբերյան Սոցիալիստական Մեծ Ռևոլյուցիայի երեսնամյակը մեծ խանդավառությամբ նշեցին նաև Հայաստանի մյուս

բոլոր քաղաքների ու շրջանների աշխատավորները:

